

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
GRAD ZENICA
GRADSKO VIJEĆE

Broj: *01-45-18565* /22

**ZAPISNIK
S DVADESETPETE SJEDNICE
GRADSKOG VIJEĆA ZENICA
održane 06. JULA 2022. godine**

juli, 2022. godine

Zapisnik s 25. sjednice Gradskog vijeća Zenica,
održane 06.07.2022. godine

Sjednica je počela s radom u 10.22 sati.

Sjednicom je predsjedavao Mirza Husetić, predsjedavajući Gradskog vijeća Zenica, koji je konstatovao da sjednici prisustvuje 26 vijećnika.

Nakon uvodnog pozdrava predsjedavajućeg Gradskog vijeća, a prije prelaska na utvrđivanje dnevnog reda za današnju sjednicu Vijeća, prisutni su odali počast žrtvama genocida u Srebrenici učenjem fatihe i minutom šutnje.

Za 25. sjednicu Gradskog vijeća predložen je sljedeći dnevni red:

1. Zapisnik s 24. sjednice Gradskog vijeća Zenica, održane 23.06.2022. godine
2. Prijedlog Odluke o dopuni Odluke o izmjeni Etičkog kodeksa
3. Prijedlog Odluke o subvencioniranju troškova grijanja za korisnike socijalne zaštite za sezonu 2021./2022. godine
4. Prijedlog Zaključka o izmjeni Zaključka broj: 01-45-23922/21 od 18.11.2021. godine (po zahtjevu Kantonalne direkcije za ceste ZDK)
5. Izvještaj o radu JU Apoteka „Zdravlje“ Zenica za 2021. godinu
6. Izvještaj o radu JU „Dom zdravlja“ Zenica za 2021. godinu
7. Izvještaj o radu Gradskog pravobranilaštva Zenica za 2021. godinu
8. Izvještaj o radu JU „Predškolski odgoj i obrazovanje“ Zenica za 2021. godinu
9. Izvještaj o poslovanju i radu JU Bosansko narodno pozorište Zenica za 2021. godinu
10. Izvještaj o radu JU Muzej grada Zenice za 2021. godinu
11. Izvještaj o radu JU Gradska biblioteka Zenica za 2021. godinu
12. Izvještaj o radu i poslovanju JP za upravljanje i održavanje sportskih objekata d.o.o. Zenica za period od 01.01. do 31.12.2021. godine
13. Izvještaj o radu JP za prostorno planiranje i uređenje grada „Zenica“ d.o.o. Zenica
14. Prijedlog Zaključka o davanju saglasnosti za promjenu namjene tavanskog prostora u prostor potkrovlje na objektu Edukativnog centra u Radakovu

Na prijedlog vijećnika Nermina Mehića povučena je tačka Izvještaj o radu JU „Predškolski odgoj i obrazovanje“ Zenica za 2021. godinu, zbog odsustva direktorice navedene javne ustanove.

Na prijedlog vijećnika Kenana Uzunovića u prijedlog dnevnog reda za današnju sjednicu kao tačka 2. uvršten je Prijedlog Zaključka o upućivanju urgencije Visokom sudskom i tužilačkom vijeću Bosne i Hercegovine i Uredu disciplinskog tužioca pri Visokom sudskom i tužilačkom vijeću za dostavu informacije o poduzetim radnjama po Zaključku Vijeća od 04.01.2020. godine, sa 22 glasa „ZA“, 1 glasom „PROTIV“ i 2 glasa „UZDRŽAN“.

Prijedlog vijećnika Namira Škalje za uvrštavanje tačke vijećnička pitanja i inicijative u prijedlog dnevnog reda za današnju sjednicu nije prihvaćen sa 7 glasova „ZA“, 4 glasa „PROTIV“ i 13 glasova „UZDRŽAN“. Vijećnici nisu prihvatili prijedlog vijećnice Emine Tufekčić za razmatranje inicijative za organizovanje obuke iz znakovnog jezika za medicinske radnike JU „Dom zdravlja“ Zenica i zaposlenike gradskih službi, s 12 glasova „ZA“, bez glasova „PROTIV“ i 12 glasova „UZDRŽAN“. Prijedlog Odluke o izmjeni odluke o zagrijavanju stambenog i poslovnog prostora grada Zenice daljinskim grijanjem i uslova za isporuku i preuzimanje toplotne energije iz vrelovodne mreže uvršten je u prijedlog dnevnog reda kao tačka 15., sa 17 glasova „ZA“, 2 glasa „PROTIV“ i 6 glasova „UZDRŽAN“. Odluka o cijeni isporučene toplotne energije za grijanje stambenog i poslovnog prostora grada Zenice u sezoni grijanja 2022./2023. godine uvrštena je kao 16. tačka u Prijedlog dnevnog reda, sa 17 glasova „ZA“, 2 glasa „PROTIV“ i 8 glasova „UZDRŽAN“.

Za 25. sjednicu Gradskog vijeća Zenica sa 17 glasova „ZA“, 2 glasa „PROTIV“ i 6 glasova „UZDRŽAN“ **usvojen je** sljedeći

Dnevni red:

Tačka 1. Zapisnik s 24. sjednice Gradskog vijeća Zenica, održane 23.06.2022. godine

Tačka 2. Prijedlog Zaključka o upućivanju urgencije VSTV-u i Uredu disciplinskog tužioca

Tačka 3. Prijedlog Odluke o dopuni Odluke o izmjeni Etičkog kodeksa

Tačka 4. Prijedlog Odluke o subvencioniranju troškova grijanja za korisnike socijalne zaštite za sezonu 2021./2022. godine

Tačka 5. Prijedlog Zaključka o izmjeni Zaključka br. 01-45-23922/21 od 18.11.2021. godine (po zahtjevu Kantonalne direkcije za ceste ZDK)

Tačka 6. Izvještaj o radu JU Apoteka „Zdravlje“ Zenica

Tačka 7. Izvještaj o radu JU „Dom zdravlja“ Zenica za 2021. godinu

Tačka 8. Izvještaj o radu Gradskog pravobranilaštva Zenica za 2021. godinu

Tačka 9. Izvještaj o radu JU Bosansko narodno pozorište Zenica

Tačka 10. Izvještaj o radu JU Muzej grada Zenice za 2021. godinu

Tačka 11. Izvještaj o radu JU Gradska biblioteka Zenica za 2021. godinu

Tačka 12. Izvještaj o radu i poslovanju JP za upravljanje i održavanje sportskih objekata d.o.o. Zenica za period od 01.01. do 31.12.2021. godine

Tačka 13. Izvještaj o radu JP za prostorno planiranje i uređenje grada „Zenica“ d.o.o. Zenica

Tačka 14. Prijedlog Zaključka o davanju saglasnosti za promjenu namjene tavanškog prostora u prostor potkrovlje na objektu Edukativnog centra u Radakovu

Tačka 15. Prijedlog Odluke o izmjeni odluke o zagrijavanju stambenog i poslovnog prostora grada Zenice daljinskim grijanjem i uslova za isporuku i preuzimanje toplotne energije iz vrelovodne mreže

Tačka 16. Odluka o cijeni isporučene toplotne energije za grijanje stambenog i poslovnog prostora grada Zenice u sezoni grijanja 2022./2023. godine

Tačka 1. Zapisnik s 24. sjednice Gradskog vijeća Zenica, održane 23.06.2022. godine
Zapisnik, na koji nije bilo primjedbi, usvojen je s 20 glasova „ZA“, bez glasova „PROTIV“ i 5 glasova „UZDRŽAN“.

Tačka 2. Prijedlog Zaključka o upućivanju urgencije VSTV-u i Uredu disciplinskog tužioca pri Visokom sudskom i tužilačkom vijeću za dostavu informacije o poduzetim radnjama po zaključku Gradskog vijeća od 04.01.2022. godine

Nije bilo uvodnih napomena za ovu tačku dnevnog reda.

U raspravi niko nije učestvovao.

Vijećnici su sa 20 glasova „ZA“, 1 glasom „PROTIV“ i 4 glasa „UZDRŽAN“ usvojili Prijedlog Zaključka o upućivanju urgencije Visokom sudskom i tužilačkom vijeću i Uredu disciplinskog tužioca pri Visokom sudskom i tužilačkom vijeću.

Tačka 3. Prijedlog Odluke o dopuni Odluke o izmjeni Etičkog kodeksa

Nije bilo potrebe za uvodnim napomenama.

U raspravi niko nije učestvovao.

Prijedlog Odluke o dopuni Odluke o izmjeni Etičkog kodeksa usvojen je s 21 glasom „ZA“, 1 glasom „PROTIV“ i 4 glasa „UZDRŽAN“.

Tačka 4. Prijedlog Odluke o subvencioniranju troškova grijanja za korisnike socijalne zaštite za sezonu 2021./2022. godine

Uvodne napomene za ovu tačku dnevnog reda dala je Sumea Mujkanović, pomoćnica Gradonačelnika za socijalnu zaštitu, stambene poslove i društvene djelatnosti.

U diskusiji su učestvovali vijećnici: Ekrem Tuka, Namir Škaljo, Osman Šuvalić, Nermin Mehić, Edisej Sjerotanović, Denan Pašalić, Kenan Uzunović i Emina Tufekčić.

Prije izjašnjavanja o Prijedlogu Odluke, vijećnici su se izjasnili glasanjem o amandmanu Kluba vijećnika SDA sa 7 glasova „ZA“, 1 glasom „PROTIV“ i 17 glasova „UZDRŽAN“. Vijećnici su se, zatim, izjasnili glasanjem o Prijedlogu Odluke o subvencioniranju troškova grijanja za korisnike socijalne zaštite za sezonu 2021./2022. godine i isti usvojili sa 16 glasova „ZA“, 1 glasom „PROTIV“ i 9 glasova „UZDRŽAN“.

Tačka 5. Prijedlog Zaključka o izmjeni Zaključka br. 01-45-23922/21 od 18.11.2021. godine (po zahtjevu Kantonalne direkcije za ceste ZDK)

Nije bilo potrebe za uvodnim napomenama.

U raspravi niko nije učestvovao.

Prijedlog Zaključka o izmjeni Zaključka br. 01-45-23922/21 od 18.11.2021. godine usvojen je jednoglasno sa 25 glasova „ZA“, bez glasova „PROTIV“ i bez glasova „UZDRŽAN“.

Tačka 6. Izvještaj o radu JU Apoteka „Zdravlje“ Zenica

Uvodne napomene za ovu tačku dnevnog reda dala je Mirsada Strika, direktorica JU Apoteka „Zdravlje“ Zenica.

U raspravi o ovoj tački dnevnog reda učestvovali su vijećnici: Halil Arnaut, Elmir Duvnjak, Kenan Uzunović, Ekrem Tuka i Semir Huseinović. U raspravi je učestvovao Gradonačelnik, dajući određena pojašnjenja.

Vijećnik Elmir Duvnjak predložio je zaključak:

I - Osnivač JU Apoteka „Zdravlje“ Zenica osigurava sredstva za bruto plate, topli obrok i regres uposlenika, dok se JU Apoteka „Zdravlje“ Zenica obavezuje da iz vlastitih sredstava finansira razvoj ustanove, te otplatu duga.

Po zaključenju rasprave, vijećnici su se izjasnili glasanjem o Izvještaju o radu JU Apoteka „Zdravlje“ Zenica i isti usvojili s 19 glasova „ZA“, bez glasova „PROTIV“ i 1 glasom „UZDRŽAN“, a zatim o prijedlogu zaključka vijećnika Elmira Duvnjaka sa 6 glasova „ZA“, 1 glasom „PROTIV“ i 12 glasova „UZDRŽAN“.

Predsjedavajući Vijeća zatražio je od Mirsade Strika, direktorice javne ustanove da odgovore na usmeno postavljena pitanja vijećnika učesnika u raspravi dostavi u roku od 15 dana u pisanoj formi.

Tačka 7. Izvještaj o radu JU „Dom zdravlja“ Zenica za 2021. godinu

Uvodne napomene za ovu tačku dnevnog reda dala je Mersija Kasumović, direktorica JU „Dom zdravlja“ Zenica.

U raspravi o ovoj tački dnevnog reda učestvovali su vijećnici: Almir Babajić, Adnan Šut, Elmin Šabanović, Elvir Purić, Elvis Alijagić, Safet Brkić, Elmir Duvnjak, Vernes Menzilović, Mahdi Alić, Šerif Patković i Kenan Uzunović. U raspravi su, također, učestvovali: Mia Pojskić, predsjednica Upravnog odbora JU „Dom zdravlja“ Zenica, Fuad Kasumović, Gradonačelnik Grada Zenica i Zlatko Osmanović, gradski pravobranilac, dajući određena pojašnjenja.

Mersija Kasumović, direktorica JU „Dom zdravlja“ Zenica odgovorila je na postavljena pitanja vijećnika učesnika u raspravi.

Po zaključenju rasprave, vijećnici su se izjasnili glasanjem o Izvještaju o radu JU „Dom zdravlja“ Zenica za 2021. godinu i isti usvojili s 19 glasova „ZA“, 5 glasova „PROTIV“ i 2 glasa „UZDRŽAN“, a zatim o predloženim zaključcima kako slijedi:

Prijedlog Gradonačelnika za upućivanje urgencije Općinskom sudu Zenica za postupanje po tužbi Grada Zenica vezano za iseljenje Instituta za zdravlje i sigurnost hrane, vijećnici su usvojili sa 17 glasova „ZA“, 2 glasa „PROTIV“ i 6 glasova „UZDRŽAN“.

Prijedlog zaključka vijećnika Elvira Purića, kojim se gradska uprava i menadžment Javne ustanove „Dom zdravlja“ Zenica zadužuju da u što kraćem roku iznađu način i riješe arhitektonske barijere u svim ambulantama, kako bi se olakšao pristup osobama s invaliditetom, te starim i iznemoglim“, vijećnici su usvojili s 25 glasova „ZA“, bez glasova „PROTIV“ i bez glasova „UZDRŽAN“.

Prijedlog zaključka vijećnika Mahdija Alića, kojim se zadužuje uprava JU „Dom zdravlja“ Zenica da, do izrade Budžeta za 2023. godinu, sačini Plan sanacije, rekonstrukcije i adaptacije objekata ambulanti, te poboljšanja uslova rada i izgradnje novih objekata ambulanti gdje je to neophodno, vijećnici su usvojili s 20 glasova „ZA“, 1 glasom „PROTIV“ i 2 glasa „UZDRŽAN“.

Prijedlog zaključka vijećnika Kenana Uzunovića kojim se zadužuje menadžment JU „Dom zdravlja“ Zenica da, u roku od mjesec dana, Gradskoj upravi Zenica dostavi spisak mjesnih ambulanti, koje se nalaze na višim spratovima društvenih domova, kako bi se pokrenula izrada projektne dokumentacije za smještanje istih u prostorije na prizemlju, vijećnici su usvojili s 22 glasa „ZA“, bez glasova „PROTIV“ i bez glasova „UZDRŽAN“.

Prijedlog Zaključka vijećnika Kenana Uzunovića kojim se traži od Ministarstva zdravstva ZDK da u što kraćem roku izda odobrenje za rad ambulante u Lukovom Polju, kako bi se olakšao život mještanima ove mjesne zajednice, vijećnici su usvojili s 23 glasa „ZA“, bez glasova „PROTIV“ i 1 glasom „UZDRŽAN“.

Prijedlog zaključka vijećnika Kenana Uzunovića o podnošenju krivične prijave protiv odgovornih lica Ministarstva zdravstva Zeničko-dobojskog kantona, koja nisu uvrstila kisik u kategoriju „Lijekovi“, vijećnici su usvojili sa 17 glasova „ZA“, bez glasova „PROTIV“ i 3 glasa „UZDRŽAN“.

Prijedlog zaključka vijećnika Kenana Uzunovića o pokretanju krivičnog postupka protiv kantonalnog farmaceutskog i zdravstvenog inspektora, koji su, izdavanjem rješenja o zabrani upotrebe kisika JU „Dom zdravlja“ Zenica, ugrozili živote građana Zenice bez ikakvog zakonskog uporišta, vijećnici su usvojili s 18 glasova „ZA“, bez glasova „PROTIV“ i 2 glasa „UZDRŽAN“.

Tačka 8. Izvještaj o radu Gradskog pravobranilaštva Zenica za 2021. godinu

Uvodne napomene za ovu tačku dnevnog reda dao je Zlatko Osmanović, gradski pravobranilac.

U raspravi o ovoj tački dnevnog reda učestvovali su vijećnici: Kenan Uzunović, Šerif Patković, Ekrem Tuka, Elmir Duvnjak, Denan Pašalić i Emina Tufekčić. U raspravi su učestvovali Gradonačelnik Fuad Kasumović, Zlatko Osmanović, gradski pravobranilac i Selver Keleštura, sekretar Gradske uprave, dajući određena pojašnjenja. Gradski pravobranilac odgovorio je na postavljena pitanja vijećnika koji su učestvovali u raspravi.

Po zaključenju rasprave, vijećnici su se izjasnili glasanjem o Izvještaju o radu Gradskog pravobranilaštva Zenica za 2021. godinu i isti usvojili sa 16 glasova „ZA“, 4 glasa „PROTIV“ i 3 glasa „UZDRŽAN“.

U 14.24 sati predsjedavajući Vijeća Mirza Husetić dao je pauzu za ručak, i najavio nastavak sjednice u 15.45 sati.

Tačka 9. Izvještaj o radu JU Bosansko narodno pozorište Zenica

Nije bilo potrebe za uvodnim napomenama.

U raspravi o ovoj tački dnevnog reda učestvovali su vijećnici: Vernes Menzilović, Edisej Sjerotanović, Elmir Duvnjak, Namir Škaljo i Nermin Mehić. U raspravi su učestvovali Gradonačelnik Grada Zenica i Sumea Mujkanović, pomoćnica Gradonačelnika za socijalnu zaštitu, stambene poslove i društvene djelatnosti.

Po zaključenju rasprave, vijećnici su se izjasnili glasanjem o Izvještaju o radu JU Bosansko narodno pozorište Zenica i isti usvojili sa 23 glasa „ZA“, bez glasova „PROTIV“ i bez glasova „UZDRŽAN“, a zatim o predloženim zaključcima kako slijedi:

Prijedlog zaključka Gradonačelnika kojim se zadužuje resorna služba da u Budžetu za 2023. godinu planira sredstva za sanaciju krova JU Bosansko narodno pozorište Zenica, vijećnici su usvojili sa 23 glasa „ZA“, bez glasova „PROTIV“ i bez glasova „UZDRŽAN“

Prijedlog zaključka vijećnika Vernesa Menzilovića, kojim se zadužuju upravni i nadzorni odbori javnih ustanova i javnih preduzeća da od direktora istih zahtijevaju da, u godišnjim izvještajima o radu i poslovanju, prezentuju i prikazu koeficijente i osnovice za plate svih uposlenika, od najniže kvalifikacije do direktora, te ukoliko se, prema pravilnicima o radu, takvi podaci ne prezentuju, traži izmjena pravilnika, vijećnici su usvojili s 23 glasa „ZA“, bez glasova „PROTIV“ i bez glasova „UZDRŽAN“.

Prijedlog Zaključka vijećnika Ediseja Sjerotanovića kojim se zadužuje menadžment JU Bosansko narodno pozorište Zenica da, prije izrade budžeta za 2023. godinu, pripremi predmjer radova za sanaciju krova i velike scene BNP-a, u cilju obezbjeđenja sredstava iz Budžeta Grada Zenica i Zeničko-dobojskog kantona, vijećnici su usvojili s 22 glasa „ZA“, bez glasova „PROTIV“ i bez glasova „UZDRŽAN“.

Prijedlog Zaključka vijećnika Elmira Duvnjaka kojim se gradski vijećnici obavezuju da će, u mjesecu septembru, kupiti abonoman u visini od 50,00 KM, koji uključuje četiri premijerne predstave po cijeni od 10,00 KM i dvije po cijeni od po 5,00 KM za djecu, a koji iznos će biti obustavljen od vijećničkog paušala, vijećnici su usvojili s 23 glasa „ZA“, bez glasova „PROTIV“ i bez glasova „UZDRŽAN“.

Tačka 10. Izvještaj o radu JU Muzej grada Zenice za 2021. godinu

Nije bilo potrebe za uvodnim napomenama.

Za diskusiju o ovoj tački dnevnog reda javio se vijećnik Namir Škaljo.

Po zaključenju rasprave, vijećnici su sa 24 glasa „ZA“, bez glasova „PROTIV“ i bez glasova „UZDRŽAN“ usvojili Izvještaj o radu JU Muzej grada Zenice za 2021. godinu.

Tačka 11. Izvještaj o radu JU Gradska biblioteka Zenica za 2021. godinu

Nije bilo potrebe za uvodnim napomenama.

U raspravi o ovoj tački dnevnog reda učestvovali su vijećnici: Emina Tufekčić, Aida Halać i Namir Škaljo.

Po zaključenju rasprave, vijećnici su sa 22 glasa „ZA“, bez glasova „PROTIV“ i bez glasova „UZDRŽAN“ usvojili Izvještaj o radu JU Gradska biblioteka Zenica za 2021. godinu.

Prijedlog zaključka vijećnice Emina Tufekčić kojim se traži od direktora javnih ustanova iz oblasti kulture da vijećnicima dostave projekte od interesa za grad, kako bi isti bili uvršteni u Strategiju razvoja Grada Zenica, koja će uskoro biti dostavljena Gradskom vijeću, vijećnici su usvojili sa 22 glasa „ZA“, bez glasova „PROTIV“ i bez glasova „UZDRŽAN“.

Tačka 12. Izvještaj o radu i poslovanju JP za upravljanje i održavanje sportskih objekata d.o.o. Zenica za period od 01.01. do 31.12.2021. godine

Nije bilo potrebe za uvodnim napomenama.

U raspravi niko nije učestvovao.

Vijećnici su sa 20 glasova „ZA“, bez glasova „PROTIV“ i bez glasova „UZDRŽAN“ usvojili Izvještaj o radu i poslovanju JP za upravljanje i održavanje sportskih objekata d.o.o. Zenica za period od 01.01. do 31.12.2021. godine.

Tačka 13. Izvještaj o radu JP za prostorno planiranje i uređenje grada „Zenica“ d.o.o. Zenica

Nije bilo potrebe za uvodnim napomenama.

U raspravi o ovoj tački dnevnog reda učestvovali su vijećnici: Denan Pašalić, Vernes Menzilović, Alen Kapković, Almir Babajić, Elmir Duvnjak, Nermin Mehić, Namir Škaljo, Šerif Patković i Kenan Uzunović.

Po zaključenju rasprave, vijećnici su se izjasnili glasanjem o Izvještaju o radu JP za prostorno planiranje i uređenje grada „Zenica“ d.o.o. Zenica i isti usvojili sa 24 glasa „ZA“, bez glasova „PROTIV“ i bez glasova „UZDRŽAN“.

Prijedlog zaključka vijećnika Šerifa Patkovića, kojim se zadužuje Gradska uprava da, u skladu sa zakonom, Statutom Grada Zenica i Poslovníkom, predloži za jednu od narednih sjednica Vijeća Odluku o načinu podrške javnim preduzećima koja se nalaze na tržištu rada, u okviru dodjele poslova i njihovog opstanka, vijećnici nisu usvojili s 10 glasova „ZA“, 1 glasom „PROTIV“ i 12 glasova „UZDRŽAN“.

Tačka 14. Prijedlog Zaključka o davanju saglasnosti za promjenu namjene tavanskog prostora u prostor potkrovlje na objektu Edukativnog centra u Radakovu

Nije bilo potrebe za uvodnim napomenama.

U raspravi niko nije učestvovao.

Prijedlog Zaključka o davanju saglasnosti za promjenu namjene tavanskog prostora u prostor potkrovlje na objektu Edukativnog centra u Radakovu usvojen je jednoglasno s 24 glasa „ZA“, bez glasova „PROTIV“ i bez glasova „UZDRŽAN“.

Tačka 15. Prijedlog Odluke o izmjeni Odluke o zagrijavanju stambenog i poslovnog prostora grada Zenice daljinskim grijanjem i uslova za isporuku i preuzimanje toplotne energije iz vrelovodne mreže

Nije bilo potrebe za uvodnim napomenama.

U raspravi niko nije učestvovao.

Prijedlog Odluke o izmjeni Odluke o zagrijavanju stambenog i poslovnog prostora grada Zenice daljinskim grijanjem i uslova za isporuku i preuzimanje toplotne energije iz vrelovodne mreže usvojen je s 18 glasova „ZA“, bez glasova „PROTIV“ i 8 glasova „UZDRŽAN“.

Tačka 16. Odluka o cijeni isporučene toplotne energije za grijanje stambenog i poslovnog prostora grada Zenice u sezoni grijanja 2022./2023. godine

Nije bilo potrebe za uvodnim napomenama.

U raspravi o ovoj tački dnevnog reda učestvovali su vijećnici: Edisej Sjerotanović, Kenan Uzunović, Almir Babajić, Ekrem Tuka, Nermin Mehić, Šerif Patković i Mahdi Alić.

U raspravi su, također, učestvovali Kemal Veledar, izvršni direktor za tehničke poslove i Selver Keleštura, sekretar Gradske uprave, dajući pojašnjenja.

Nakon pojašnjenja, vijećnik Nermin Mehić odustao je od predloženog zaključka, koji glasi: „JP „Grijanje“ d.o.o. Zenica se obavezuje da održava sekundarnu mrežu”.

Po zaključenju rasprave, vijećnici su se izjasnili glasanjem o Odluci o cijeni isporučene toplotne energije za grijanje stambenog i poslovnog prostora grada Zenice u sezoni grijanja 2022./2023. godine sa 17 glasova „ZA“, 2 glasa „PROTIV“ i 7 glasova „UZDRŽAN“.

25. sjednica Gradskog vijeća Zenica zaključena je i završila s radom u 17.25 sati.

Sastavni dio ovog zapisnika je audiozapis, pohranjen u Stručnoj službi Gradskog vijeća, na osnovu kojeg se može ostvariti uvid u diskusije sa sjednice Vijeća.


PREDSJEDAVAJUĆI
GRADSKOG VIJEĆA
Mirza Husetić